

आकाशवाणीखबरां

1. प्रधानमंत्री नरेंद्र मोदी होर 5एं मुलखें दे दौरे दे त्रीए चरणै च अज्ज संझा स्वीडन पुज्जी गे न। स्वीडन कन्नै दपक्खी सरबंध मजबूत बनाने दे अलावा केई क्षेत्रें च सहयोग बधाने लेई समझौतें दी बी मेद।
2. भारत ते नीदरलैंड्स नै बक्ख-बक्ख क्षेत्रें च सहयोग ते सांझेदारी लेई 17 समझौतें पर दस्तखत कीते न।
3. भारत नै होमुर्ज जलडमरूमध्य क्षेत्र च कारोबारी बेडे पर हमले दी निंदा करदे होई आखेआ जे सप्लाई च रूकावटां खड़ी करने गी कुसै बी सूरतै च जायज नेई ठहराया जाई सकदा।
4. विश्व सेहत संगठन-डब्ल्यूएचओ नै कांगो ते युगांडा च सामने आए दे एलोवा वायरस दे मामले गी अंतरराष्ट्री चिंता दा विशे करार दित्ता ऐ।
5. नेपाल दी रीता शेरपा नै 32मीं बारी माउंट एवरेस्ट पर चढियै इतिहास रची दित्ता ऐ।
6. आई.पी.एल च अज्ज रायल चैलेंजर्स बेंगलुरु नै पंजाब किंग्स गी हराया। दिल्ली कैपिटल्स ते राजस्थान रायल्स बश्कार मकाबला बस शुरू होने आह्ला ऐ।
7. मौसम विभाग नै मुलखें दे केई हिस्सें च अगले 24 घंटें दरान बरखा ते अंधी झक्खड़ दी पेशनगोई कीती ऐ। उत्तर पच्छमी भारत अगले दो दिनें च तापमान 3 कोला 5 डिग्री तगर बधी सकदा ऐ।

<><><><><>

PM-Sweden

प्रधानमंत्री मोदी होर 5एं मुलखें दे अपने दौरे दे त्रीए चरणै च अज्ज संझा स्वीडन पुज्जा करदे गे न। दौरे दे दुए चरणै च नीदरलैंड्स दा दौरा मुकमल करने दे बाद ओहू अज्ज स्वीडन दे शैहर गोथेनबर्ग पुज्जे जित्थे उंदा जोरदार सुआगत कीता गेआ। स्वीडन दे प्रधानमंत्री उल्फ क्रिस्टरसन हुंदे कन्नै बैठक दे अलावा उंदा यूरोपीय आयोग दी अध्यक्षा उर्सुला वान डेर लेयेन हुंदे कन्नै यूरोपीय राउंड टेबल फार इंडस्ट्री दे बड्डे कारोबारिएं ते उद्योगपतियें कन्नै गल्लबात दा बी कार्यक्रम ऐ। दौनें मुलखें दे प्रधानमंत्रिएं बश्कार आपसी सरबंधे ें दे सभभनें पैहलुएं पर तफसीली सोच विचार होगं दवें नेता बपार, पर्यावरण दे अनुकूल विकास, आर्टिफिशल इंटेलीजेंस, नमिएं प्रौद्योगिकिएं, जलवायु संरक्षण लेई जतन ते आपसी संपर्क जनेए क्षेत्रें च सहयोग दे नमें मौकें पर बी चर्चा होने दी मेद ऐ।

<><><><><>

PM-Netherlands

भारत ते नीदरलैंड्स नै आपसी सरबंधें गी रणनीतिक स्तरै पर पुजांदे होई 17एं समझौतें पर दस्तखत कीते न। 5 मुलखें दी जात्तरा पर गेदे प्रधानमंत्री यू.ए.आई दे बाद नीदरलैंड्स गे हे जित्थे दौनें मुलखें बश्कार दपक्खी सरबंधें गी होर तगड़ा बनाने बारै केई स्तरें दी गल्लबात होई ही। इनें 17एं समझौतें च रक्षा, महत्वपूर्ण खनिज, उर्जा बचत सने केई सारे क्षेत्र शामिल न जिंदे च दवें मुख्य किट्टे रलियै कम्म करने लेई राजी होई गे न। नीदरलैंड्स दे प्रधानमंत्री राबयेटेन हुंदे कन्नै मलाटी दरान प्रधानमंत्री होरें पच्छिम एशिया ते टकोहदा करियै उर्जा दी सप्लाई च विघ्न कारण विश्व बपार पर पौने आले असर पर चिंता प्रगट कीती। दौनें नेताएं इस गल्लै पर जोर दित्ता जे होमुर्ज दी खाड़ी सवां होइयै लंगघने आहले ज्हाजें दी विजन रोक टोक दे आओजाई बनी दी रौळनी लोडचदी ते एहदे पर काबू करने दी कुसै बी मुलख दी कोशश गी स्वीकार नेई कीता जाई सकदा।

<><><><><>

केंद्री गृह ते सहकारिता मंत्री अमित शाह होरें आखेआ ऐ कि आर्टिफिशल इंजेलीजेंस ते डीप टेकनालजी गे भविक्ख दी अर्थ बवस्था दे मुख आधर होडन। अज्ज गुजरात दे अहमदाबाद च मिलियन माइंडस टेक पार्क दे पैहले हिस्से ते ग्रेमी सिटी केंपस दा उद्घाटन करदे होइ, उनें आखेआ कि भारत दुनिया दे हर उभरदे खेत्तर च अज्ज अगुवाह बनी गेदा ऐ। उनें आखेआ कि औने आहले 25 बरें च जेहडे सेक्टर दुनिया दी अर्थनीति गी दुनिया दी अर्थ बवस्था गी दिशा देंगन, उनें सब्बनें खेत्तरें च भारत अपनी मजबूती साबत करै करदा ऐ जेहदे नै पता लगदा ऐ कि भारत दा भविक्ख पक्क गै उज्जवल ते सनैहरा ऐ। अमित शाह होरें गांधी नगर च राष्ट्री डिजाइन संस्थान दे नवाचार ते इन्क्यूबेशन केंद्र दा बी उद्घाटन कीता। एहदे अलावा उनें गांधी नगर निगम दे केई विकास कम्में दा उद्घाटन बी कीता ते केइएं दा नीहू पत्थर रखेआ।

<><><><><><>

Rly Ministry Inquiry

रेल मंत्रालय नै त्रिवंदरम नमीं दिल्ली राजधानी एक्सप्रेस दे पिछले 2 डिब्बें च अगग लग्गने दी घटना दी उच्ची सतह दी जांच दे हुक्म दिते ना। अज्ज बडुलै कोई 5 बज्जियै 15 मिंटे पर कोटा डिविजन दे नागड़ा कोल त्रिवेंद्रम नमीं दिल्ली राजधानी दे पिछले 2 डिब्बें च अगगे लग्गी गई जिंदे च इक गार्ड कोच ते इक एस.सी 3 टायर कोच शामिल हे।

<><><><><><>

Train Accident Averted

मध्य प्रदेश दे रतलाम च अज्ज इक बड्डा रेल हादसा टली गेआ। तिरुवंतपुरम हजरत निजामुद्दीन राजधानी एक्सप्रेस ट्रेन नंबर-12431 दे बी-1 कोच च अगग लग्गी गई। एहू घटना कोटा डिविजन दे लूनी रिकशा ते विक्रमगढ़ अलाट स्टेशन बंशकार तकरीबन 5 बज्जियै 20एं मिंटे पर पेश आई। रतलाम रेल डिविजन दे जन संपर्क अधिकारी मुकेश कुमार होरें दस्सेआ जे इस घटना च कोई जानी नुकसान नेई होआ ऐ। अगग लग्गने दे कारण दी जांच कीती जारदी ऐ।

<><><><><><>

India-Condemns Hormuz Attacks

भारत नै आखेआ ऐ कि होमुर्ज जलडमरूमध्य च कारोबारी ज्हाजें पर हमलें गी स्वीकार नेई कीता जाई सकदा। संयुक्त राष्ट्र च भारत दे स्थाई प्रतिनिधि पर्वतनेनी हरीष होरें आखेआ ऐ कि ज्हाजें च चालक दल दे सदस्यें गी नशाना बनाने ते ज्हाजें दी निर्विघ्न आओजाई च रूकावट पाने गी कुसै बी सूरतै च जायज नेई ठहराया जाई सकदा। हरीष होरें एहू गल्ल वैश्विक उर्जा दे सरबंध्यै संयुक्त राष्ट्र आर्थिक ते सामाजिक परिषद दी इक विशेष बैठक च आक्खी। किश रोज पैहले ओमान दे कंडे कश भारती झंडे आहले इक ज्हाज पर हमला होआ हा।

<><><><><><>

WHO-Ibola

विश्व सेहत संगठन-डब्ल्यूएचओ नै कांगो ते युगांडा च इबोला दे प्रकोप गी अंतरराष्ट्री समुदाय लेई आपात स्थिति यानि इमरजेंसी घोशित करी दित्ता ऐ। इस बमारी कन्नै अजें धोड़ी 88 लोकें दी मौत होई चुकी दी ऐ ते 300 कोला मते च एहू लाग पाई गई ऐ। अजें कि डब्ल्यूएचओ नै इब्बी साफ कीता ऐ जे इबोला दा संकट कोविड-19 जनेई महामारी आहला लेखा नेई ऐ ते इस करियै घाबबरने दी जां अंतरराष्ट्री बन्ने गी बंद करने दी बी कोई लोड नेई ऐ। इबोला दे इलाज लेई फिलहाल कोई टीका जां दोआई उपलब्ध नेई ऐ। एहू लाग शरीर दे तरल पदार्थें जिआं खून, थुक्क, अत्थयं, नक्क चा निकलने आहले पानी, पशब जां इस चाल्ली होरनें चीजें दे संपर्क च औने कन्नै फैलदा ऐ ते जानलेवा बनी जंदा ऐ। इबोला दे ज्यादातर मामले कांगो च गै सामने आए न ते युगांडा च छडे दो मामले दी गै तस्दीक होई ऐ।

<><><><><><>

Mount Everest Record

नेपाल दी रीता शेरपा नै 32मीं बारी माउंट एवरेस्ट पर चढियै इतिहास रची दित्ता ऐ। 56 बरें दी परवतारोही रीता दुनिया दी सब्भनें शा उच्ची प्हाड़ी किंगर पर सब्भनें शा मती बारी चढने आली शेरपा ऐ। नेपाल दे कोशी प्रांत दे सोलुखुम्बू जिले च पैदा होई दी रीता कामी नै पैहली बारी 1994 च माउंट एवरेस्ट पर चढने च कामयाबी हासल कीती ही। इसै दरान पर्वतरानी नां कन्नै मशहूर ल्हाकपा शेरपा नै बी एवरेस्ट पर उप्परोतली 11मीं बारी कामयाबी कन्नै एवरेस्ट किंगर पर पुजजने आहली नेपाल दी पैहली महिला परवतारोही होने दा अपना रकार्ड बरकरार रक्खेआ ऐ।

<><><><><><>

PM-MKB

प्रधानमंत्री नरेन्द्र मोदी होर इस म्हीने दी 31 तरीक गी आकाशवाणी थमां 'मन की बात' कार्यक्रम च इक्क बारी परतियै अपने बचार सांझे करडन। एहू इस मासिक रेडियो कार्यक्रम दी 134मीं कड़ी होग। श्रोता टोल-फ्री नंबर 1800-11-7800 पर कार्यक्रम आस्तै अपने बचार ते सुझाऽ भेजी सकदे न। एहू सुझा नरेन्द्र मोदी ऐप या मायगाँव ओपन फोरम राएं बी दित्ते जाई सकदे न। तुस 1922 पर मिस्ट कॉल देइयै ते एस.एम.एस. थमां हासल लिंक थमां बी सिधे प्रधानमंत्री होरेंगी सुझा भेजी सकदे न। सुझा 29 तरीक तगर स्वीकार कीते जाडन।

<><><><><><>

IPL

IPL च अज्ज दऊं मैच खेडने तैह हे। पैहला मैच रायल चैलेंजर्स बेंगलुरु ते पंजाब किंग्स बश्कार खेडेआ गेआ जिसी बेंगलुरु नै 23 रन कन्नै जित्ती लैता। पैहले बल्लेबाजी करदे होई बेंगलुरु दी टीम ने 20एं ओवरें च 4 विकेटें दे नुकसान पर 222 रन बनाए जेदे परते च पंजाब दी पूरी टीम 20 ओवरें च 8 विकेटें दे नुकसान पर 199 रन गै बनाई सकी। दुआ मैच हुनै कोला किश चिर मगरा दिल्ली कैपिटल्स ते राजस्थान रायल्स बश्कार शुरू होने आहला ऐ।

<><><><><><>

Tennis

यूक्रेन दी एलिना स्वितोलीना नै इटैलियन ओपन दा खताब जित्ती लैता ऐ। रोम दे क्ले कोर्ट पर खेड्डे गेदे इक दिलचस्प फाइनल मकाबले च उनें अमरीका दी स्टार खडारन कोको गौफ गी 6-4, 6-7, 6-2 कन्नै हराया। एलिना दा एहू त्रीया इटैलियन ओपन खताब ऐं एहूदे शा पैहले उनें 2017 ते 2018 च बी एहू टूर्नामेंट जित्ते दा ऐ। उंदे टेनिस करियर दा 20मां महिला सिंगल्स खताब ऐ।

<><><><><><>

Thailand Open

थाईलैंड ओपन-2026 बैडमिंटन टूर्नामेंट च भारत दी स्टार जोड़ी सात्विक साइराज रंकी रेड्डी ते चिराग शेटी गी फाइनल च हार दा सामना करियै चांदी दे तगमे नै संदोख करना पेआ। भारती जोड़ी गी बी.डब्ल्यू.एफ थाईलैंड ओपन सुपर 500 लेई खताबी मकाबले च इंडोनेशिया दे लियो रोली कारनांडो ते डैनियल मार्थिन नै 21-12, 25-23 कन्नै हराया।

<><><><><><>

CBSE-OSM System

सरकारै आखेआ ऐ कि सी.बी.एस.ई दी 12मी दे मतेयानें च आन सक्रीन मार्किंग प्रणाली राएं पेपर चैक होने कन्नै पारदर्शिता ते निष्पक्षता बधी ऐ। 12मीं दे मतेयानें बारै अज्ज नमीं दिल्ली च स्कूली शिक्षा ते साक्षरता विभाग दे सचिव संजय कुमार होरें दस्सेआ कि विद्यार्थिणें मार्किंग ते पास प्रतिशत च ममूली गिरावट पर चिंता जताई ऐ। सचिव होरें दस्सेआ कि सीबीएसई नै इस बरे ऐसी बवस्था लागू कीती ऐ जेदे नै पेपर चैकिंग च मती पारदर्शिता ते निष्पक्षता यकीनी बनदी ऐ।

<><><><><><>

Delhi Metro

दिल्ली मेट्रो निजी गड़ियें दे बजाय मेट्रो दे इस्तेमाल गी बढ़ावा देने लेई बाद्दू रेल यात्राएं दा संचालन करोगा। दिल्ली मेट्रो रेल कार्पोरेशन नै आखेआ ऐ जे मौजूदा हालात च उर्जा, दक्षता, पर्यावरण दी स्थिरता गी यकीनी बनाने च सार्वजनिक आओजाई दी महत्वपूर्ण भूमिका गी ध्यानै च रखदे होई एह फैसला लैता गेआ ऐ। दिल्ली मेट्रो रेल कार्पोरेशन नै आखेआ ऐ जे कल्लै थमां हर सोमवारें 24 बाद्दू रेल फेरे चलाए जाडन ते 6 बाद्दू रेल गड़ियां तैनात कीतियां जांगन। निगम नै आखेआ ऐ जे मंग दे आधार पर होरनें दिनें च बी बाद्दू सेवां शुरू कीतियां जांगन।

<><><><><><>

World Hypertension Day

अज्ज विश्व हायपरटेंशन दिवस मनाया जा'रदा ऐ। इस ब'रे दा विशेसार ऐ-किट्टे रलियै ब्लड प्रैशर दी जांच करो ते इस सायलेंट किलर गी हराओ। एह ध्याडा हायरपरटेंशन यानि बी.पी सरबन्धी जागरूकता म्हीने दा इक हिस्सा ऐ जेदा मकसद बी.पी बारै कुल संसारी सतह पर जागरूकता पैदा करना ते रोकथाम पता लाने ते नियंत्रण गी बढ़ावा देना ऐ।

<><><><><><>

Weather

मौसम विभाग नै अंडमान निकोबार द्वीप समूह, पच्छिम बंगाल दे हिमालय कन्नै लगदे इलाकें ते सिक्किम च अगले 24एं घंटें दरान भारी बरखा दी पेशगोई कीती ऐ। अरुणाचल प्रदेश, असम, मेघालय, दक्खन कर्नाटक दे अंदरूनी इलाके, तमिलनाडू, पुदुचेरी, कराईकल, केरल, माहे ते लक्षद्वीप च बी तेज बरखा बरने दे असार दस्से गे न। तोआई अगले त्रै दिनें दरान छत्तीसगढ़, झारखंड, मध्य महाराष्ट्र, मराठवाडा, ओडिशा, रायलसीमा, आंध्र प्रदेश दे समुंद्री इलाके, तेलंगाना, कोंकण, गोवा उत्तराखंड, हिमाचल प्रदेश ते उत्तर पूर्वी राज्यें च अंधी झक्खडा, तेज तूफान ते शमानी बिजली पौने दे असार बी बनी सकदे न। तोआई, मध्य प्रदेश, राजस्थान, उत्तर प्रदेश, विदर्भ च कल पूरी ध्याडे लूह आहली स्थिति बनी दी रौहग।

<><><><><><>

HP-Guv.

हिमाचल प्रदेश दे गवर्नर कविंद्र गुप्ता होरें आखेआ जे अमरीका ते ईरान बश्कार जारी तनोतनी दे चलदे प्रधानमंत्री नरेंद्र मोदी होर भविक्ख च औने आहली संभावित चुनौतियं बारै लोकें गी लगातार सौहगा करा'रदे न। जम्मू च लोआए गेदे इक कार्यक्रम गी संबोधित करदे होई कविंद्र गुप्ता होरें आखेआ जे भारत सरकार नै पेट्रोल ते डीजल दी कीमतें गी काबू च रखियै आम लोकें गी राहत पजाने दा कम्म कीता ऐ। गवर्नर गुप्ता होरें लोकें गी समाजी ते पारिवारिक दौनें स्तरें पर जिम्मेदारी कन्नै कम्म करने दी अपील करदे होई आखेआ जे बदलाव दी शुरूआत आपूं गै लोकें कन्नै होनी लोडचदी। उनें आखेआ जे सांझी जिम्मेदारी राहें गै महंगाई दे असर गी घट्ट कीता जाई सकदा ऐ ते हालात संतुलित बने दे रौहडन।

<><><><><><>